



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm I. Vt bigami.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

TITVLVS XXI.

DE BIGAMIS NON ORDINANDIS.

CAPITVLVM I.

Vt bigami.

S Y M M A R I V M .

1. *Bigami sunt irregulares.*
2. *Item qui publicam pœnitentiam ob crimene gerunt.*
3. *Et qui ab altero viro repudiatam vxorem duxit.*



Vi bigami sunt, seu alteram vxorem duxerunt ac cognoverunt, & qui pœnitentes sunt, seu publicam pœnitentiam egerunt, & qui ab altero viro repudiatam vxorem duxerunt, irregulares censendi sunt. Consentit c. ex pœnitentibus, 55. d. 50.

De bigamis non ordinandis habetur in c. 2. & seqq. d. 26. in c. præcipimus, & seqq. d. 34. & dixi copiosè lib. 1. tr. 5. p. 5. cap. 6.

2 De ijs, qui publicam seu solemnem pœnitentiam ob crimen egerunt, non ordinandis habetur in cit. c. pœnitentibus, & docui lib. 5. tr. 6. c. 7. n. 6.

3 Denique de vxore ab altero viro repudiata, seu relieta, quod qui eam duxerit & cognoverit, Clericus fieri non possit, habetur etiam in c. si quis viduam, 8. d. 50. Potest autem id duobus modis intelligi: Primò, quod dimissa fuerit, quia matrimonij vinculum non consistebat, propter impedimentum dirimens, tunc qui eam duxerit & cognoverit, interpretatiæ bigamus & irregularis est, sicuti qui aliam à quounque viro præter se cognitam, seu corruptam duxerit. Secundò, si repudiata ac dimissa sit per diuortium, non dissoluto vinculo substantiali, tunc qui eam, marito eius adhuc viuente, inualidè duxerit, & maritali affectu cognoverit, quasi biga-

mus censetur, & irregularis est, arg. c. nuper, hoc tit.

CAPITVLUM II.

Super eo.

S Y M M A R I V M .

1. *Bigamus promotus ad sacros ordines, penitus est ab ijs amouendus; nec licet eo dispensare.*
2. *Potest tamen Papa dispensare in irregularitate bigamie; non solum tamen, nisi ex grauissima causa; licet faciliter dispenset ad minores ordines accipendos.*

Si bigamus ordinatus sit, ordinans potest, & officio ordinandi priuandus est: at verò ordinatus, si ad ordines sacros promotus fuit, penitus est amouendus: Neus enim cum bigamis contra Apostolum dispensare licet, vt vel ad ordines sacros promouri, vel promoti in ijs ministrare possint. Sed cum ordinatore, vt ordinandi potestatem recuperet, dispensare licet.

Loquitur hic Lucius de ordinibus sacris, de quibus Apostolus ad Timoth. cap. 1. Vi Episcopi, quo nomine etiam presbyteros comprehendit, atque Diaconi non creantur, nisi monogami, id est, qui præter unam vxorem, aliam non habuerint.

Difficulitas autem est, utrum Papa dispense possit in irregularitate bigamie. Aliqui Canonistæ negant, vt videre est in Gl. ver. dispensare, quia Lucius III. in hoc. cap. ait, quod contra Apostoli præceptum dispensare non licet. Sed affirmandum est cum Innoc. hic, Gl. in c. lector, 1. 8. d. 34. Anchorno in c. 1. de bigamis, in 6. S. Thom. Soto, & alijs in 4. d. 27. q. 3. a. 3. Quia Papa dispensare potest in omni iure Ecclesiastico, etiam ab Aposto-